



Kakanj, 10.05. 2016. godine.
Broj: 01/D-01-43- 5967 /16

Na temelju člana 69. stav (2) tačka d) i člana 70. st. 1, 4. i 6. Zakona o javnim nabavkama („Sl. glasnik BiH“, broj 39/14, 47/14), na preporuku Komisije za javnu nabavku broj: 282-05/16 od 09.05.2016. godine, u postupku javne nabavke po konkurentskom zahtjevu za dostavu ponuda (KZ: 04/16 - Nabavka usluga izrade Dopunskog rudarskog projekta – sanacije i rekonstrukcije odlagališta „Bare“ u konturama zahvaćenog odloženim jalovinskim materijalom ZD RMU „Kakanj“ d.o.o. Kakanj), Direktor Društva mr.sci. Kasim Alajbegović, dipl.ing.maš., donio je

ODLUKU o poništenju postupka javne nabavke

Član 1.

Poništava se postupak javne nabavke po konkurentskom zahtjevu za dostavu ponuda (KZ: 04/16 - Nabavka usluga izrade Dopunskog rudarskog projekta – sanacije i rekonstrukcije odlagališta „Bare“ u konturama zahvaćenog odloženim jalovinskim materijalom ZD RMU „Kakanj“ d.o.o. Kakanj) iz razloga što nijedna od primljenih ponuda nije prihvatljiva – član 69. stav (2) tačka d) Zakona o javnim nabavkama.

Član 2.

Odbijaju se kao neprihvatljive ponude ponuđača „RUDARSKI INSTITUT“ d.d. Tuzla, „RUDAR“ d.o.o. Tuzla i „BBM“ d.o.o. Sarajevo, dostavljene u postupku nabavke - Nabavka usluga izrade Dopunskog rudarskog projekta – sanacije i rekonstrukcije odlagališta „Bare“ u konturama zahvaćenog odloženim jalovinskim materijalom ZD RMU „Kakanj“ d.o.o. Kakanj, a po obavještenju o nabavci broj: 967-7-2-267-3-27/16 od 28.03.2016.godine objavljena na portalu javnih nabavki.

Član 3.

Za izvršenje ove odluke zadužuje se i ovlašćuje Komercijalna služba ZD RMU „Kakanj“ d.o.o.- Kakanj.

Član 4.

Ova odluka objavit će se na web-stranici <http://www.rmukakanj.ba/> istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Zakona o javnim nabavkama.

O b r a z l o ž e n j e

Postupak javne nabavke proveden je putem konkurentskog zahtjeva za dostavu ponuda, a pokrenut je na osnovu Odluke o pokretanju postupka javne nabavke broj: 01/D-01-43-3989/16 od 25.03.2016.godine.

Procijenjena vrijednost javne nabavke bez PDV-a je 35.000,00 KM.

Obavijest o nabavci broj: 967-7-2-267-3-27/16 poslata je na objavu dana 28.03.2016.godine, a objavljena je na Portalu javnih nabavki dana 28.03.2016.godine.

Konkurentski zahtjev za dostavu ponuda je proslijeđen slijedećim ponuđačima (istovremeno sa slanjem obavijesti na portal javnih nabavki):

1. „BBM“ d.o.o. Sarajevo
2. „RUDAR“ d.o.o. Tuzla
3. „RUDARSKI INSTITUT“ d.d. Tuzla

Komisija za javnu nabavku imenovana je Odlukom broj: 01/D-01-43-3990/16 od 25.03.2016.godine. Komisija za javnu nabavku je dana 09.05.2016. godine sačinila Zapisnik o ocjeni ponuda broj: 280-05/16 od 09.05.2016.godine i Preporuku o poništenju postupka javne nabavke broj: 282-05/16 od 09.05.2016.godine, u postupku javne nabavke usluga - Nabavka usluga izrade Dopunskog rudarskog projekta – sanacije i rekonstrukcije odlagališta „Bare“ u konturama zahvaćenog odloženim jalovinskim materijalom ZD RMU „Kakanj“ d.o.o. Kakanj.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda tri (3).
- da su blagovremeno zaprimljene tri (3) ponude.
- da nije bilo neblagovremeno zaprimljenih ponuda.
- da ponude ponuđača „RUDARSKI INSTITUT“ d.d. Tuzla, „RUDAR“ d.o.o. Tuzla i „BBM“ d.o.o. Sarajevo su neprihvatljive.

Razlozi odbijanja ponude ponuđača „RUDARSKI INSTITUT“ d.d. Tuzla:

Tačkom 5.2. Konkurentskog zahtjeva za dostavu ponuda propisano je da svi listovi ponude moraju biti čvrsto uvezani, sa numerisanim stranicama.

Uvidom u ponudu ponuđača „RUDARSKI INSTITUT“ d.d. Tuzla utvrđeno je da ponuđač „RUDARSKI INSTITUT“ d.d. Tuzla nije numerisao sve stranice ponude na način kako je propisano. Naime, u ponudi iza lista koji je numerisan sa brojem 15. nalazi dio teksta, odnosno dio dokumenta koji nije numerisan brojem.

Kako ponuđač „RUDARSKI INSTITUT“ d.d. Tuzla nije numerisao sve listove, odnosno stranice ponude na kojima se nalazi tekstualni dio ponude, na način da je obezbjeđen kontinuitet u numerisanju, to je ponuda ovog ponuđača ocjenjena kao neprihvatljiva.

Razlozi odbijanja ponude ponuđača „RUDAR“ d.o.o. Tuzla:

Tačkom 3.2. konkurentskog zahtjeva propisano je da bi dobavljači učestvovali u proceduri javnih nabavki, dobavljači trebaju ispunjavati sljedeće uvjete predviđene članom 46. Zakona, a kao dokaz propisano je da su ponuđači obavezni dostaviti aktuelni izvod iz sudskog registra ne stariji od 3 mjeseca, te da Izvodom mora biti obuhvaćena djelatnost koja je predmet konkurentskog zahtjeva.

Uvidom u ponudu ponuđača „RUDAR“ d.o.o. Tuzla utvrđeno je da ponuđač nije dostavio traženi aktuelni izvod iz sudskog registra, nego je isti dostavio Rješenje o izmjenama podataka broj: 032-0-Reg-15-000181 od 11.02.2016. godine.

S obzirom da ponuđač nije dostavio traženi dokument, to je ponuda ovog ponuđača ocjenjena kao neprihvatljiva

Razlozi odbijanja ponude ponuđača „BBM“ d.o.o. Sarajevo:

Tačkom 2.4. Konkurentskog zahtjeva za dostavu ponuda propisano je mjesto izvršenja usluga: JP Elektroprivreda BiH d.d. –Sarajevo Zavisno društvo rudnik mrkog uglja „Kakanj“ d.o.o. –Kakanj, a kao dokaz zahtjevano je da se dostavi izjava ponuđača o mjestu izvršenja usluga, odnosno da će se usluga izvršiti u mjestu sjedišta ugovornog organa JP Elektroprivreda BiH d.d. –Sarajevo Zavisno društvo rudnik mrkog uglja „Kakanj“ d.o.o. –Kakanj.

Uvidom u ponudu ponuđača „BBM“ d.o.o. Sarajevo utvrđeno je da ponuđač „BBM“ d.o.o. Sarajevo nije dostavio zahtjevanu izjavu.

S obzirom da ponuđač nije dostavio traženi dokument, to je ponuda ovog ponuđača ocjenjena kao neprihvatljiva.


Nadalje, u postupku ocjene provedenog postupka, Direktor Društva nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

U postupku je utvrđeno da je Komisija u svemu pravilno postupila, te da je preporuka o poništenju postupka nabavke data u skladu sa Zakonom, podzakonskim i internim aktima i tenderskim dokumentom.

Naime, u postupku predmetne nabavke nesumnjivo je utvrđeno nijedna od primljenih ponuda nije prihvatljiva, čime su se stekli zakonski uslovi za poništenje postupka javne nabavke.

Iz navedenih razloga, primjenom člana 69. stav (2) tačka d) Zakona o javnim nabavkama, odlučeno je kao u članu 1. ove odluke.

Pouka o pravnom lijeku: Protiv ove odluke može se izjaviti žalba JP Elektroprivreda BiH d.d.- Sarajevo Zavisnog društva Rudnika mrkog uglja "Kakanj" d.o.o. Kakanj, najkasnije u roku od 5 (pet) dana od dana prijema ove odluke.



Direktor Društva

mr. sci. Kasim Alajbegović, dipl.ing.maš.

Dostavljeno:

1x Direktor Društva

1x Učesnici u postupku javne nabavke

1x a/a